



Państwò do doktora! – to je pròwda w kropelkach

TÓMK FÓPKA

Przészło zrobic w robòce tzw. cządowé badérowania. Szedł jem tej z rena z cedelkã i... szczénoma w plastikòwim statuszkù. Późni białka z zëmnyma półcama wëpòmòwãła ze mie z pól drachtu krëwi i wëpisała szcerowanie do doktora òd płęców (jaczis Rentgen) i òd òczów. „Óczowò” doktorka zapusca mie w mòje piãkné pò dwie krople i wësła na gòdzënë w miasto.

Wëlòzt jem pùrgajacë sã niemiłoserno i szedł w stronã wejrowsczégò rénkù. Krople w òczach dalë mie dëbeltną òstrosc zdrzeniò. Widzòł jem to, czegò donëchczòs jem nie dozdrzòł. Parkòmètrë – zepsëté. Sniegù fùł – jak to w miesce. Kòmùdno i... głòdno. Jak jem sã tej ùceszil, czëj jem òbòczil szild „Rožno”!

Za rutã kùrczãta sã grzatë za réga, a zópòch z te szedł jãz w sóm mùsk. Na dwiérzach stòjalo napisóné, że je „òtemkłé òd 9.00”. Tej jem smiãto włòzt do bëna i rzekł jem, że jednã, takã wënagòlonã, ród bëm zez rusztu scygnãł. Na to białka dosc zdzëwionò gòdò, że kùrczãta mdaq paròt òd 11.00. Tej jò zòs: „czë ten króm je òtemkłi òd 9.00?”. „Jo, leno jò je mùszã zagrzóc”. „Tej co jò mògã terò kùpic i zjesc?” (Bëto piãc pò dzewiãti) Nick wicy do zjedzeniò jem nie widzòł, a białka tész za apeticznò nie ba... Turwò białce sã skùncza cerplëwòsc... i mie tész. Co tu je dlò kògò?!

Je króm z miãswã pò to, żebë lédze co kùpilë i zjedlë, czë pò to, żebë jedna białka mia dze przez dwie gòdzënë sedzec?! Kò robòta nie je pò to, żebë jã miec, leno żebë jinyma sã na cos przëdòwã! Szewc robi bótë, bò chtos jich brëkùje. Szkòlny ùczy dzecë, bò te sã chcã na mòc ùczëc. Jò piszã felietónë, bò co Wa bë, biédny czëta, itd.

A tu, w krómie ze zagrzónyma kùrczòkoma je robòta dlò sami robòtë... To je przék rozëmòwi. Czësti socjalizm. Europejszczi.

Zle chto ni mò robòtë, tej mùszì so sadnãc a szëkac radë. (Le cobë to szukanié nie przeszło w robòtã). Żelë je rozëmny – tej so pòradzy i jã nalëze. Czëj nie pòtrafi, tej jinny mùszì mù tã robòtã narajic. Wiedno je jakò robòta do zrobieniò. Sã leno robòcy i zgnitli lédze. Ùtcëwi i lelece. Tima drëdzima pòlsczë państwò baro chãtno dopòmògò.

Chińczicë, co sã dzysò nôwikszim mòcòrzã na swiece, gòdajã, że człowiekòwi ni rëba mùszì darwac – le wãdkã, cobë sã nauczył rëbã towic.

A nie darwac za nick-nie-robienié piëndze! Na miłosc bòskã! Ta białka w tim krómie przënòmni ùdòwa, że robia. A kùli je taczich pòblaznowónëch przez tzw. system, co kasã dostòwajã, bò jima „sã nòlëzi” bez robòtë...? Mògã sã zarwiatowac, że czejbë ne GÒPSë, MÒPSë i PùPë zlikwidowac – òni bë so robòtã i tak nalezlë, i państwò nie darwato bë scygac na nich z tëch, co cãzkò robiã i płacã pòdatczì.

A, prawie pòdatczì. Mùszì zniesc wikszosc pòdatków (tész ùlgów, przëwilejów) i lédzoma do wiplatów to copnãł! Jak nòmni dëtka do Warszawë, a jak nôwiãcy w nasze tasze! Na nôwòznieszë dlò państwa rzeczë dómë pòdatk: sądë, wòjskò i pòlicjã a nôpòtrzebniészich ùrzãdników. Nèga nazòt dac lédzoma! To mò bëc zarobioné – nié zarabczoné!!!

To wszëtòkò przez ne krople w òczach. Taczì gòrz. Na białka òd kùrczòków. Na system. A tec òn je dobrì. Nick nama nie felëje. Na wszëtòkò nama sygò. Państwò nama nick nie zabiérò. Emeriturë coròz wikszë. Bana sã nie spòzniwò. A służba zdrowia...

Tfu! Tfu! Złë w nòrt! Szczescé, że le tak pò nych kroplach bëto... ■

Cządowé badérowania – badania okresowe; cedelk – świstek, tu: skierowanie; szczënë – moc, ekskrement w płynie; statuszk – pojemniczek; dracht – jednostka: dwa wiadra; pùrgajacë sã – ślizgajãc się; donëchczòs – dotychczas; kòmùdno – ponuro; tej – więc; ruta – szyba; réga – rząd; mùsk – mózg; do bëna – do środka; wënagòlonò – obnażona; paròt – gotowe; zòs – znów; króm – sklep; przék – na przekór; narajic – dosł. napędzić; wiedno – zawsze; robòcy i zgnitli – pracowici i leniwi; ùtcëwi i lelece – prawi i lewusy; kùli – ile; pòblaznowóné – znarowione; zarwiatowac sã – załòżyć się; nie darwato – nie musiało; prawie – wlasnie; nèga – reszta; nazòt – z powrotem; zarabczoné – zrabowane; gòrz – gniew; nick – nic; felëje – brakuje; sygò – wystarcza; bana – pociãg.